



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Parisien. Episcopo.

urn:nbn:de:hbz:466:1-20006

CAMERACEN. CAPITVLO.

PARISIEN. EPISCOPO.

Epiſt. 413.
Vt de iſpōrum
electi viriſ
inquiratur, ſta-
ndarque, an-
tequā alioſ
diligant.

Ad audientiam apostolatus nostri multorum relatione pervenit quod H. Ecclesiae Cameracen. electus, cum ita incurvus sit ut promoyeretur de jure non possit, in minoribus ordinibus constitutus fuit a vobis ad Ecclesiam vestram electus, & a venerabili fratre nostro Vv. Remen. Archiepiscopo sanctae Sabinæ Card. eius fuit electio confirmata: quem post electionem & confirmationem venerabilis frater noster Arrebaten. Episcopus de mandato ipsius Archiepiscopi Acolythum & Subdiaconum ordinavit, & sicut communis habetur opinio, electus duxit viduam in uxorem, de qua suscepit filium in Praepositura sancti Petri Duacen. sibi nullo medio succedentem. Cum igitur, si vera sunt quae præmisimus, relinquunt non debeant impunita, cum & præsumpta sint contra canonicas sanctiones, & properea decor honestatis ecclesiastica confundatur, venerabili fratri nostro Parisiensi Episcopo per scripta nostra præcipiendo mandavimus ut vocatis quos propter hoc videbit evocandos, de præmissis omnibus & etiam fama publica inquirat pleniū veritatem, & quicquid super his invenerit, sub suarum testimonio literarum nobis studeat fideliter intimare, ut per relationem ipsius sufficienter instruti, securiū in ipso negotio procedere valeamus. De-dimus etiam eidem Episcopo in mandatis ut vobis ex parte nostra districte prohibeat ne ad nominationm vel electionem alicujus personæ aliquatenus procedatis, si etiam dictus electus vellet spontaneè resignare, donec super hoc nostra receperitis beneplacitum voluntatis, & si contra prohibitionem nostram & suam aliquid præsumperitis attenare, illud decernimus irritum & inane. Dignum est enim & consentaneum rationi, ut in eo puniamini, in quo peccatis, si circa præmissam electionem inventi fueritis culpabiles extitisse. Nullis literis obstantibus, si quæ apparuerint a sede apost. imperatæ. Quocirca per apostolica vobis scripta mandamus atque præcipimus quatenus contra tenorem mandati apostolici non præsumatis aliqua ratione venire, vel aliquid etiam attenare.

Eam de discretione tua fiduciam obtinemus, ut si quando tibi committimus quæ ad honorem divinum & utilitatem ecclesiasticam pertinere noscuntur, gratia & timore postpositis sagas promovere; in hac parte nobis coadjutor existens, qui ex injunctæ servitutis officio secundum Prophetam debemus evellere & plantare quæ in Ecclesia Dei evellenda fuerint & plantanda. Et cum non possimus omnia personaliter adimplere, per fratres & co-episcopos nostros cogimur supplere defectum, quos apostolica sedes in partem sollicitudinis evocavit. Sanè ad audienciam apostolatus nostri multorum relatione pervenit quod H. Cameracen. electus &c. ut supra ferè usque ad verbum imprestatæ.

Epiſt. 429.
Committitur
inquisitio &
examen ſuper
vita & moribus
electi Came-
racensis.

ATREBATEN. EPISCOPO.

Ad audientiam apost. nostri multorum relatione pervenit quod H. Cameracen. electus &c. ferè ut supra usque ad verbum præcipiendo mandamus quatenus cum propter vicinitatem locorum & de forma electionis & de qualitate ipsius electi dicaris habere notitiam pleniorē, tam de fama publica quam etiam de præmissis omnibus per literas tuas nobis intimare studeas veritatem; ut per relationem tuam & venerabilis fratri nostri Parisiensis Episcopi, cui hoc ipsum commisimus inquirendum, sufficienter instruti, securiū in ipso negotio procedere valeamus.

Epiſt. 430.
Vt ipſe de elec-
ti Cameracen-
is vita & mo-
ribus ſententiā
erat.

ABBATI ET CONVENTVI
Compendien.

Paci & tranquillitati vestrae paterna volentes solicitudine providere, cum ad hoc specialiter teneamur ex eo quod vestrum monasterium ad nos & Romanam Ecclesiam nullo pertinet mediante, ad vestrae oppressionem & necessitatem Ecclesiae relevandam venerabilem fratrem nostrum Sylvaneten. Episcopum in causis vestris & alis necessitatibus, pro quibus vobis est ad quos malueritis Episcopos generaliter recurrendum, quemadmodum in vestris privilegiis continetur, per literas quas super his exequendis specialiter ipſi dirigimus, de benignitate ſedi apost. vobis

Epiſt. 431.
Episcopus Sil-
vanetenſis da-
tur iudex in
omnibus causis
corum.

Iij